

KHALE KA TIODITARA TA KHASITOMO TI KHOTSERIWA VUKUNGUNDWANA

Pretoria, Ravumbirhi, ti 14 Mudyaxihi 2019 – Khale ka tioditara timbirhi ta Khasitomo ti gweviwile malembe yanharhu ya xigwevo xo kongoma mayelana na vukungundwana eDurban vhiki leri nga hundza, ti 9 Mudyaxihi 2019.

Pranesh Maharaj wo suka eLa Mercy na Reuben Moodley wo suka eNewlands West havambirhi va kumiwile va khomile mali yo ba mati tingwenya ti etlela ya R100 000 leyi a ri eka mvhilopho ya buraweni eswikhwameni swa vona eka ntirho wa maphorisa hi Nyenyankulu 2018.

Tioditara letimbirhi ti pfumerile leswaku ti humesile xitiviso ku ya eka n'wamabindzu wo tiveka wa le KwaZulu-Natal hi Nyenyenyana 2018, xo n'wi lemukisa hi oditi leyi nga ku teni eka tikhamphani laha a ri mulawuri. Enkarhini wa nhlengeletano yo landzela yo sungula, va kumile mali yo ba mati tingwenya ti etlela ya R 200 000 ku suka eka yena "ku endlela leswaku swiphiso swa yena swa xibalo swi nyamalala".

Eku fambeni ka siku rero, Maharaj u tihlanganisile na n'wamabindzu, a kombela hakelo yo sungula ya R10 000, leyi hakeriweke hi mfanelo. Maharaj a nga tivisangi Moodley hi malulamiselo lawa, kumbe ku n'wi avela mali leyi.

Hambiswiritano, n'wamabindzu u mangarile mhaka leyi emaphoriseni. Xiboho xi tekiwile xo veka xikatsani xa maphorisa hi ku ya hi xiyenge xa 252A xa Nawu wa Maendlelo ya Vugevenga. N'wamabindzu u tekile mali leyi a yi aviwile eka timvhilopho timbirhi, laha yin'we hi yin'we a yi ri na R100 000.

Maphorisa ya khomile vahehliwa loko va ri karhi va famba, endzhaku ka loko n'wamabindzu a va nyikile timvhilopho endhawini yo paka mimovha ya ka Standard Bank, eRhavini ra Kingsmead hi ti2 Nyenyankulu 2018, tanihilaha a va twananile ha kona exikarhi ka vona.

Khoto ya Xifundza ya Durban yi tlhele yi gweva tioditara letimbirhi malembe yambirhi yo engetelela, lawa ya nga yimisiwa hi swipimelo eka ntlhanu wa malembe. Maharaj u nyikerile ku hakela R10 000 leyi a nga hakeriwa yona hi muhakelaxibalo.

Vatirhi havambirhi va tshikile ntirho enkarhini wa endlelo ro tshinya hi Mhawuri 2018.

Khomixinara wa SARS Edward Kieswetter u amukerile xigwevo, a engetela leswaku eka SARS a ku na ndhawu ya vatirhi lava nga tshembhekangiki.

"A hi kondzeleli nkatshembheko na nkanawu. Tanihileswi hi ya ka emahlweni na ndlela yo pfuxelela ndhavuko wa vutshembheki na vukorhokeri byo hlawuleka eka nhlangano wa hina, hi tsakela ku tiyisa vaaki leswaku SARS yi ta teka matshalatshala yo tika eka vatirhi lava xengaka ntshembheko wa vanhu". u vurile.